

四庫全書

子部



欽定四庫全書

子部

本草綱目卷四十五

詳校官太醫院醫士臣程恭

編修臣倉聖脈覆勘

總校官庶吉士臣何思鈞

校對官中書臣葉葵

謄錄監生臣鄒曾蔭



欽定四庫全書

本草綱目卷四十五目錄

介部

李時珍曰介蟲三百六十而龜為之長周官鱉人取互物以時籍春獻鱉蜃秋獻龜魚祭祀供廬羸蜃以授醢人則介物亦供饌所不廢況可充藥品乎唐宋本草混入蟲魚今析為介部四十六種分二類曰龜鱉曰蚌蛤

神農本草經八種

梁陶弘景註

名醫別錄五種

梁陶弘景註



唐本草二種

唐蘇恭

本草拾遺一十種

唐陳藏器

海藥本草二種

唐李珣

蜀本草一種

蜀韓保昇

開寶本草二種

宋馬志

嘉祐本草八種

宋掌禹錫

圖經本草一種

宋蘇頌

本草綱目六種

明李時珍

本草蒙筌一種

明陳嘉謨

附註

魏吳普本草  
齊徐之才藥對

李當之藥錄

唐甄權藥性

宋雷斅炮炙論  
孫思邈千金

唐孟詵張鼎食療

南唐陳士良食性

楊損之刪繁  
宋寇宗奭衍義

蕭炳四聲  
大明日華



金張元素珍珠囊

元李杲法象

朱震亨補遺

吳瑞日用

王好古湯液

明寧源食鑑

明汪穎食物

明汪機會編

介之一

龜魚類十七種附二

水龜 本經

秦龜 別錄

螭龜 綱目

龜魔附

毒瑁 開寶

八兒附

散

綠毛龜 蒙筌



瘡龜 拾遺

鶚龜 拾遺

旋龜

攝龜 蜀本

貢龜 綱目

盤龜 本經

納盤 圖經

能盤 綱目

朱盤 拾遺



珠鼈

綱目

鼈

拾遺

蟹

本經

鱉

嘉祐

右附方舊一十九新四十六



本草綱目卷四十五目錄



欽定四庫全書

本草綱目卷四十五

明 李時珍 撰

介之一

龜鱉類一十七種 附二種

水龜

本經上品

釋名玄衣督郵

時珍曰說文云龜頭與蛇同爾雅龜有十種郭璞隨文傳會殊欠分明蓋

山澤水火四種乃因帝龜所生之地而名也甚大至一尺已以上者在水曰寶龜赤曰蔡龜在山曰靈龜皆國之守寶而未能變化者也年至百千則具五色而或大或小變化無常在水曰神龜在山曰蓂龜皆



龜之聖者也火龜則生炎地如火鼠也攝龜則呬蛇  
龜也文龜則蟠螭璫瑁也後世不分山澤水火之異  
通以小者為神龜年久者為靈龜誤矣神龜難得今  
人取水中常龜入藥古今總標水龜而諸龜可該矣

集解

時珍曰甲蟲三百六十而神龜為之長龜形象  
離其神在坎上陸而文以法天下平而理以法

地背陰向陽蛇頭龍頸外骨肉腸屬於首能運任  
脉廣肩大腰卵生思抱其息以耳雌雄尾交亦與蛇  
匹或云大腰無雄者謬也今人視其底甲以辨雌雄  
龜以春夏出蟄脫甲秋冬藏穴導引故靈而多壽南  
越志云神龜大如拳而色如金上下兩邊如鋸齒爪  
至利能緣樹食蟬抱朴子云千歲靈龜五色具焉如  
玉如石變化莫測或大或小或遊於蓮葉之上或伏  
於茂叢之下張世南質龜論云龜老則神年至八百  
反大如錢夏則游於香荷冬則藏於藕節其息有黑  
氣如煤煙在荷心狀甚分明人見此氣勿輒驚動但



潜含油管喫之即不能遁形矣或云龜聞鉄聲則伏被蚊嗜則死香油抹眼則入水不沉老桑煮之則易爛皆物理制伏之妙也

龜甲釋名神屋

本經

敗龜版

日華

敗將

日華

漏天機

圖經

時珍曰並

隱名也

集解

別錄曰龜甲生南海池澤及海水中采無時勿令中濕濕即有毒陶弘景曰此用水中神龜長

一尺二寸者為善屬可供卜殼可入藥亦入仙方當以生龜炙取韓保昇曰湖州江州交州者骨白而厚其色分明供卜入藥最良大明曰卜龜小而腹下曾錯十遍者名敗龜版入藥良蘇頌曰今江湖間皆有之入藥須用神龜神龜版當心前一處四方透明如琥珀色者最佳其頭方脚短殼圓版白者陽龜也頭



尖腭長戟長版黃者陰龜也陰人用坎坎人用坎今  
醫家亦不知如此分別時珍曰古者取龜用秋攻龜  
用春今之采龜者聚至百十生鋸取甲而食其肉彼  
有龜王龜相龜將等名皆視其腹背左右之文以別  
之龜之直中文名曰千里其首之橫文第一級左右  
有斜理皆接乎千里者即龜王也他龜即無此矣言  
占事帝王用王文用相武用將各依等級其說與逸  
禮所載天子一尺二寸諸侯八寸大夫六寸士庶四  
寸之說相合亦甚有理若夫神龜寶龜世所難得則  
入藥亦當依此用之可也日華用卜龜小甲蓋取便  
耳又按經云龜甲勿令中濕一名神屋陶言甝可供  
卜殼可入藥則古者上下甲皆用之至日華始用龜  
版而後人  
遂主之矣

正誤

吳球曰先賢用敗龜版補陰借其氣也今人用  
鑽過及煮過者性氣不存矣惟靈山諸谷因風



墜自敗者最佳田池自敗者次之人打壞者又次之  
時珍曰按陶氏用生龜炙取日華用灼多者皆以其  
有生性神靈也日敗者謂鑽灼陳久如敗也吳氏不  
達此理而反用自死枯敗之版復謂灼者失性謬矣  
縱有風墜自死者亦山龜耳淺學  
立異誤世鄙人據以為談故正之  
**修治**  
以龜甲鋸去四邊石上磨  
淨灰火炮過塗酥炙黃用亦有  
酒炙醋炙猪脂炙燒灰用者

**氣味甘平有毒**

甄權曰無毒時珍曰按經云中濕者  
有毒則不中濕者無毒矣之才曰惡

沙參蜚蠊畏  
狗脂瘦銀

**主治甲治漏下赤白破癥瘕瘡五痔陰蝕濕痺四**

**肢重弱小兒顛不合久服輕身不飢**

本經

**驚恚氣心腹**



痛不可久立骨中寒熱傷寒勞復或肌體寒熱欲死

以作湯良久服益氣資智使人能食燒灰治小兒頭

瘡難燥女子陰瘡

別錄

殼主久嗽斷瘡

弘景

殼炙末酒服

主風脚弱

蕭炳

版治血麻痺

日華

燒灰治脫肛

甄權

下甲補

陰主陰血不足去瘀血止血痢續筋骨治勞倦四肢

無力

震亨

治腰脚酸痛補心腎益大腸止久痢久洩主

難產消癰腫燒灰傳臍瘡

時珍

發明

震亨曰敗龜版屬金水大有補陰之功而本草不言惜哉蓋龜乃陰中至陰之物稟北方之氣



而生故能補陰治血治勞也時珍曰龜鹿皆靈而有壽龜首常藏向腹能通任脉故取其甲以補心補腎補血皆以養陰也鹿鼻常反向尾能通督脉故取其角以補命補精補氣皆以養陽也乃物理之玄微神工之能事觀龜甲所主諸病皆屬陰虛血弱自可心解矣又見龜甲

### 附方

舊二新十二

### 補陰丸

丹溪方用龜下甲酒炙熟地黃九蒸九晒各六兩黃栢鹽水浸

炒知母酒炒各四兩石器為末以猪脊髓和丸梧子大每服百丸空心溫酒下一方去地黃加五味子炒

### 一瘡疾不止

龜版燒存性研末酒服方寸匕海上名方

### 抑結不散

用龜下甲

酒炙五兩側栢葉炒一兩半香附童便浸炒一兩為末米糊丸梧子大每空心溫酒服一百丸胎產

### 下痢

用龜甲一枚醋炙為末水飲服一錢日一經驗方

### 難產催生

秘錄用龜甲燒末酒



服方寸七

摘玄

治產三五日不下垂死及矮小女

子交骨不開者用乾龜殼一個酥炙婦人頭髮一握

燒灰川芎當歸各一兩每服秤七錢水煎

腫毒初起

服如人行五里許再一服生胞死胎俱下

敗龜甲一枚燒研

酒服四錢

小品

婦人乳毒

同上

小兒頭瘡

龜甲燒

聖方

月蝕耳瘡

同上

口吻生瘡

同上

臙瘡朽臭

生龜一枚

黃更煨存性

出火氣入輕粉麝

香葱湯洗淨搽敷之

急救方

人咬傷瘡

龜版骨

鰐

片燒研油調搽

豬咬成瘡

龜版

燒研香油調

搽之

葉氏摘玄

肉氣味甘酸溫無毒

弘景曰

作羹臙大補而多神靈

不可輕殺書家所載甚多此不

具說思邈曰

六甲日十二月俱不可食

損人神不可合猪肉菰米瓜莧食害人



主治釀酒治大風緩急四肢拘攣或久癱緩不收皆

瘥

蘇恭

煮食除濕痺風痺身腫踣折

孟詵

治筋骨疼痛及

一二十年寒嗽止瀉血血痢

時珍

發明

時珍口按周處風土記云江南五月五日煮肥龜入鹽豉蒜蓼食之名曰菹龜取陰內陽外之

義也

附方

舊一新六

熱氣濕痺

腹內激熱用龜肉同五味煮食之微泄為效

普濟方筋

骨疼痛

用烏龜一個分作四脚每用一脚入天花粉枸杞子各一錢二分雄黃五分麝香五分槐

花三錢水一椀煎服纂要奇方

十年欬嗽

或二十年醫不效者生龜三枚治如食法去腸以水



五升煮取三升浸麴釀秫米四升如常飲之令盡永不發又方用生龜一枚着炊中令人溺之浸至三

日燒研以醇酒一升和末如乾飯頓服須臾大吐嗽囊出則愈小兒減半痢及瀉血烏龜

沙糖水拌椒和炙煮食勞瘵失血田龜煮取肉和葱之多度即愈普濟方

降火治虛勞失血咯血欬嗽寒熱累用經驗吳球便民食療年久痔漏田龜二三

入茴香葱醬常常食累驗此疾大忌糟醋等熱物便民食療

血氣味鹹寒無毒主治塗脫肛甄權治打撲傷損和酒

飲之仍擣生龜肉塗之時珍

膽汁氣味苦寒無毒主治痘後目腫經月不開取點



之良

時珍

溺採取

頌曰按孫光憲北夢瑣言云龜性妬而與蛇交惟取龜置瓦盆中以鑑照之龜見其影則

淫發失尿急以物收取之又法以紙炷火以點其尻亦致失尿但差緩耳時珍曰今人惟以猪鬃或松葉刺其鼻即尿出似更簡捷也

主治滴耳治聾

藏器

點舌下治大人中風舌瘡小兒驚

風不語摩胸背治龜胸龜背

時珍

發明

時珍曰龜尿走竅透骨故能治瘡聾及龜背染鬚髮也按岫嶠神書言龜尿磨瓷器能令軟磨

墨書石能入數分即此可推矣



附方

舊一新二

小兒龜背

以龜尿摩其胸背久即差孫真人

中風不語

烏龜尿點少許於

舌下神妙

壽域鬚髮早白

以龜尿調水蛭細末日

談野

翁方

秦龜

別錄上品

釋名山龜

宋奭曰龜則四方皆有但秦地山中多老龜極大而壽故取為用以地別名

集解

別錄曰秦龜生山之陰土中二月八月采保昇曰今江南嶺南處處有之冬月藏土中春夏秋

即出游溪谷古人獨取秦地者耳弘景曰此即山中

龜不入水者其形大小無定方藥希用恭曰秦龜即

蟠螭更無別也士良曰秦人呼蟠螭為山龜是矣藏

器曰蟠螭生海水中秦龜生山陰是深山大龜如



碑下跌者食草根竹萌冬蟄春出卜人亦取以占山澤揭甲亦可飾器物頌曰螭螭生嶺南別是一種山龜非秦龜也龜類甚多罕能遍識蓋近世貨幣不用知卜者稀故尔弗貴也時珍曰山中常龜鹿喜食之其大而可卜者曰靈龜年至百歲能變化者曰筮龜或伏於葦草之下或游於卷耳荇菜之上抱朴子所謂山中已日稱時君者為龜即此也其螭螭或以為山龜或云生海水中其說不定按山海經螭龜生深澤中應劭注漢書云靈螭大龜也雌曰螭螭雄曰玃玃觀此則秦龜是山龜螭螭是澤龜與爾雅山龜澤龜水龜相合蓋一種二類故其占卜入藥飾器功用尤同

甲修治

李珣曰經卜者更妙以酥或酒炙黃用

氣味苦溫無毒主治除

濕痺氣身重四肢關節不可動搖

別錄

頑風冷痺關節



氣壅婦人赤白帶下破積癥

孟詵

補心

宗奭

治鼠瘻

時珍

發明

宗奭曰大龜靈於物故方家用以補心然甚有驗時珍曰見龜甲

附方

新鼠瘻

劉涓子用山龜殼炙狸骨炙甘草炙雄黃桂心乾薑等分為末飲服方寸匕仍

以艾灸瘡上用蜜和少許入瘡中良

頭主治陰乾炙研服令人長遠入山不迷

孟詵弘景曰前牖骨

佩之亦

然耳

螭龜

綱目

釋名蝟螭

音茲夷

靈螭

漢書

靈龜

郭璞注

龜鼈

音拘壁一作蚺蟬

負



龜

音戲備雜俎作係臂者非

皮名龜筒

時珍曰蟠螭鳴聲如茲夷故名龜鼈者南人呼龜皮

之音也負龜者有力貌今碑趺象之或云大者為蟠螭龜負小者為龜鼈甚通

集解

弘景曰蟠螭生廣州恭曰即秦龜也藏器曰蟠螭生海邊甲有文堪為物飾非山龜也保昇曰

蘇恭之說非通論也按郭璞爾雅注云蟠螭出涪陵郡大龜也其緣甲文似璫瑁能鳴甲亦可卜俗呼靈龜是矣頌曰蟠螭別是一種山龜之大者非秦龜也嶺表錄云潮循間甚多人立背上可負而行鄉人取殼以生得全者為貴初用木換出其肉龜被楚毒鳴吼似牛聲振山谷古人謂生龜脫筒指此工人以其甲通明黃色者煮拍陷璫瑁為器謂之龜筒入藥亦以生脫為主日華曰蟠螭即龜鼈也皮可寶裝飾物時珍曰蟠螭諸說不一按山海經云蟠龜生深澤中注云大龜也甲有文采似璫瑁而薄應劭注漢書云



靈蟪大龜也雄曰瑋瑋雌曰蟪蟪據此二說皆出古  
典質以衆論則蟪蟪即龜龜之大者當以藏器日華  
為準也至於海邊山居水食瑋瑋之屬非若山龜不  
能入水也故功用專於解毒與瑋瑋相同自可意會  
劉欣期交州記云蚺蟪似瑋瑋大如笠四足纒胡無  
指爪其甲有黑珠文采斑似錦文但薄而色淺不任  
作器惟堪貼飾今人謂之龜皮臨海水土記云其形  
如龜驚身其甲黃點有光廣七八寸長二三尺彼人  
以亂瑋瑋肉味如龜可食卵大如鴨卵正圓生食美  
於鳥卵西陽雜俎云係臂狀如龜生南海捕者必先  
祭後取之

附錄龜麝

音迷

龜

音朝

時珍曰

按臨海水土記云龜

狀似龜而甲薄形大如龜味

極美一枚有膏三斛又有龜亦如龜  
腹如羊胃可啖並生海邊沙中



肉氣味甘平無毒主治去風熱利腸胃

時珍

血氣味鹹平微毒主治療人毒箭傷

弘景

中刀箭悶

絕者刺飲便安

日華藏器曰南人用燒銅及蛇汁毒亦多養此用

龜筒釋名鼈皮氣味甘鹹平無毒主治血疾及中刀

箭毒煎汁飲

大明

解藥毒蠱毒

時珍

毒瑁

宋開寶

釋名玳瑁

音代麻又音毒目功解毒毒物之所媚嫉者故名

集解

藏器曰瑁瑁生嶺南海畔山水間大如扇似龜甲中有文士良曰其身似龜首嘴如鸚鵡頰曰



今廣南皆有龜類也大者如盤其腹背甲皆有紅點斑文入藥須用生者乃靈凡遇飲食有毒則必自搖動死者則不能神矣今人多用雜龜筒作器皿皆殺取之又經煮拍故生者殊難得時珍曰按范成大虞衡志云玳瑁生海洋深處狀如龜龜而殼稍長背有甲十二片黑白斑文相錯而成其帑邊缺如鋸齒無足而有四鬣前長後短皆有鱗斑文如甲海人養以鹽水飼以小魚又顧玠海槎錄云大者難得小者時時有之但老者甲厚而色明小者甲薄而色暗世言鞭血成斑謬矣取時必倒懸其身用滾醋潑之則甲逐片應手落下南方異物志云大者如蓬蓀背上有鱗大如扇取下乃見其文煮柔作器治以鮫魚皮瑩以枯木葉即光輝矣陸佃云瑁瑁不再交望卵影抱謂之護卵

# 附錄撒八兒

時珍曰按劉郁西域記云出西海中乃玳瑁遺精蛟魚吞食吐出年深結成者



其價如金偽作者乃犀牛糞也竊謂此物貴重如此  
必有功用亦不知果是玳瑁遺精否亦無所詢證姑  
附於此以俟博識

甲氣味甘寒無毒

宗奭曰入藥用生者性味全也既經湯火即不堪用與生熟犀義同

主治解嶺南百藥毒

藏器

破癥結消癰毒止驚癇

日華

療

心風解煩熱行氣血利大小腸功與肉同

士良

磨汁服

解蠱毒生佩之辟蠱毒

蘇頌

解痘毒鎮心神急驚客忤

傷熱結狂言

時珍

發明

時珍曰玳瑁解毒清熱之功同於犀角古方不用至宋時至寶丹始用之也又見鼈甲



附方

舊一  
新二

解蠱毒

生玳瑁磨濃汁水服一

蓋即消楊氏產乳

預解痘毒

遇行時服此未發內消已發稀少用生玳瑁生犀角  
各磨汁一合和勻溫服半合日三服最良靈苑方

痘瘡黑陷

乃心熱血凝也用生玳瑁生犀角同磨汁  
一合入猪心血少許紫草湯五匙和勻溫

服 聞人  
規痘疹論

迎風目淚

乃心腎虛熱也用生玳瑁羚羊  
角各一兩石燕子一雙為末每

服一錢薄荷湯下  
日一服 鴻飛集

肉氣味甘平無毒主治諸風毒逐邪熱去風傷風熱

行氣血鎮心神利大小腸通婦人經脉

良士

血主治解諸藥毒刺血飲之

開寶



綠毛龜

蒙筌

釋名綠衣使者

綱目

集解

時珍曰綠毛龜出南海之內鄉及唐縣今惟蘄州以充方物養鬻者取自溪澗畜水缸中飼以

魚鰕冬則除水久久生毛長四五寸毛中有金線脊骨有三稜底中如象牙色其大如五銖錢者為真他龜久養亦生毛但大而無金線底色黃黑為異爾南齊書載永明中有獻青毛神龜者即此也又錄異記云唐玄宗時方士獻徑寸小龜金色可愛云置椀中能辟蛇虺之毒此亦龜之異也

修治

時珍曰此龜古方無用者近世滋補方往往用之大抵與龜甲同功劉氏先天丸用之其法小

龜九枚以活鯉二尾安釜中入水覆以米篩安龜在篩上蒸熟取肉晒干其甲仍以酥炙黃入藥用又有



連甲肉頭

頸俱用者

氣味甘酸平無毒

主治通任脉助陽道補陰血益精氣治痿弱

時珍

縛置

額端能禁邪瘡收藏書笥可辟蠹蟲

嘉謨

瘡龜

拾遺

集解

藏器曰生蒿山石下偏頭大嘴

氣味無毒

主治老瘡發作無時名瘡瘡俚人呼為妖瘡用此燒



灰頓服二錢當微利用頭彌佳或發時煮湯坐於中

或懸於病人卧處

藏器

鶚龜

拾遺

集解

藏器曰生南海狀如龜長二三尺兩目在側如鶚亦呼水龜非前水龜也

附錄旋龜

時珍曰按山海經云杻陽之山怪水出焉中多旋龜鳥首虺尾聲如破木佩之已聲

亦此類也

氣味無毒

主治婦人難產臨月佩之臨時燒末酒服

藏器



攝龜

蜀本草

釋名呬蛇龜

日華作夾蛇

陵龜

郭璞

鴛龜

陶弘景

蠃龜

抱朴子

恭曰

鴛龜腹折見蛇則呬而食之故楚人呼呬蛇龜江東呼陵龜居丘陵也時珍曰既以呬蛇得名則攝亦蛇音之轉而蠃亦鴛音之轉也

集解

弘景曰鴛小龜也處處有之狹小而長尾用卜吉凶正與龜相反保昇曰攝龜腹小中心橫折

能自開闔好食蛇也

肉氣味甘寒有毒

說曰此物噉蛇肉不可食穀亦不堪用

主治生研塗撲損筋脉傷良士生搗罾蛇傷以其食蛇



也陶弘景

尾主治佩之辟蛇蛇咬則刮末傳之便愈抱朴子

甲主治人咬瘡潰爛燒灰傳之時珍出摘玄

賁龜音齊綱目

釋名三足龜爾雅

集解時珍曰按山海經云狂水西注伊水中多三足龜食之無大疾可以已腫唐書云江州獻六眼

龜

大明會典云暹羅國獻六足龜宋史云趙甞獻兩頭龜此又前人所未知者也



肉氣味

主治食之辟時疾消腫

山海經

鼈

本經中品

釋名團魚

俗名

神守

時珍曰鼈行蹇蹇故謂之鼈淮南子云鼈無耳而守神神守之名以

此陸佃云魚滿三千六百則蛟龍引之而飛納鼈守之則免故鼈名守神

河伯從事

古今注

集解

時珍曰鼈甲蟲也水居陸生穹脊連脇與龜同類四緣有肉裙故曰龜甲裏肉鼈肉裏甲無耳

以目為聽純雌無雄以蛇及鼈為匹故萬畢術云燒鼈脂可以致鼈也夏日孚乳其抱以影埤雅云卵生思抱其狀隨日影而轉在水中上必有浮沫名鼈津人以此取之今有呼鼈者作聲撫掌望津而取百十



不失管子云涸水之精名曰蛟以名呼之可取魚鼈  
正此類也類從云鼈一鳴而鼈伏性相制也又畏蚊  
生鼈遇蚊叮則死七鼈得蚊煮而爛而熏蚊者復用  
鼈甲物相報復如此異哉淮南子云膏之殺鼈類之  
不可推也

### 鼈甲修治

別錄曰鼈甲生丹陽池澤采無時頌曰今  
處處有之以岳州沅江所出甲有九肋者

為勝入藥以醋炙黃用弘景曰采得生取甲剔去肉  
者為好凡有連脈及乾巖者便真若肋骨出者是煮  
熟不可用鑿曰凡使要綠色九肋多裙重七兩者為  
上用六一泥固瓶子底待乾安甲於中以物撐起若  
治瘰癧定心藥用頭醋入瓶內大火煎盡三升乃去  
裙肋骨炙乾入用若治勞去熱藥不用醋用童子小  
便煎盡一斗二升乃去裙留骨石臼搗粉以雞胓皮  
裹之取東流水三升盆盛間於盆上一宿取用力有



萬倍也時珍曰按衛生寶鑑云凡鼈甲以煨龜灰一斗酒五升浸一夜煮令爛如膠漆用更佳桑柴灰尤妙

氣味鹹平無毒

之才曰惡礬石理石

主治心腹癥瘕堅積寒熱去痞疾息肉陰蝕痔核惡

肉

本經

療溫瘡血瘕腰痛小兒脇下堅

別錄

宿食癥塊瘰

癧冷瘕勞瘦除骨熱骨節間勞熱結實壅塞下氣婦

人漏下五色下瘀血

甄權

去血氣破癥結惡血墮胎消

瘡腫腸癰并撲損瘀血

日華

補陰補氣

震亨

除老瘡瘡母



陰毒腹痛勞復食復斑痘煩喘小兒驚癇婦人經脉

不通難產產後陰脫丈夫陰瘡石淋斂潰癰

時珍

發明

宗奭曰經中不言治勞惟藥性論言治勞瘦骨熱故虛勞多用之然甚有據但不可過劑耳時

珍曰鼈甲乃厥陰肝經血分之藥肝主血也試常思之龜鼈之屬功各有所主鼈色青入肝故所主者瘡勞寒熱瘡癰驚癇經水癰腫陰瘡皆厥陰血分之病也瑤瑁色赤入心故所主者心風驚熱傷寒狂亂痘毒腫毒皆少陰血分之病也秦龜色黃入脾故所主者頑風濕痺身重蠱毒皆太陰血分之病也水龜色黑入腎故所主者陰虛精弱腰脚痠痿陰瘡洩痢皆少陰血分之病也介蟲陰類故並主陰經血分之病

從其類也



附方

舊十三  
新六

老瘡勞瘵

用鼈甲醋炙研末酒服方寸  
七隔夜一服清早一服臨時

一服無不斷者入雄  
黃少許更佳

肘后奔豚氣痛

上冲心腹鼈甲醋炙  
三兩京三稜煨二兩

桃仁去皮尖四兩湯浸研汁三升煎二升入末煎良  
久下醋一升煎如餚以餅收之每空心酒服半匙

聖濟

血瘕癥癖

甄權曰用鼈甲琥珀大黃等分作散  
酒服二錢少時惡血即下若婦人小

腸中血下盡  
即休服也

瘰癧癥積

甄權曰用鼈甲醋炙黃研末  
牛乳一合每調一匙朝朝服

之  
婦人漏下

甄權曰鼈甲醋炙研末清酒服方寸七  
日二又用乾薑鼈甲訶黎勒皮等分

為末糊丸空心  
下三十九日再

婦人難產

鼈甲燒存性研末酒  
服方寸七立出梅師勞復

食復

驚病初起受勞傷食致復欲死者  
鼈甲燒研水服方寸七肘后方小兒癇疾用



甲炙研乳服一錢日二  
亦可審丸服子母錄卒得腰痛不可使仰用鼈甲

七日二  
肘后方沙石淋痛用九肋鼈甲醋炙研末酒服方

陰虛夢泄九肋鼈甲燒研每用一字以酒半盞童尿  
半盞葱白七寸同煎去葱日脯時服之出

臭汗為度  
醫墨元戎吐血不止鼈甲蛤粉各一兩同炒色黃  
熟地黃一兩半晒乾為末每

服二錢食后茶  
下聖濟錄癰疽煩喘小便不利者用鼈甲二兩  
燈心一把水一升半煎六

合分二服凡患大小便有血者中壞也黑  
厥無膿者十死不治龐安時傷寒論癰疽不斂

不拘發背一切瘡用鼈甲燒存  
性研搽甚妙李樓怪症奇方腸癰肉痛鼈甲燒存  
性研水服

一錢日三  
傳信方陰頭生瘡人不能治者鼈甲一枚燒  
研雞子白和傳千金方審唇



緊裂

用鼈甲及頭燒研傳之類要

人咬指爛

久欲脫者鼈甲燒灰傳之葉氏摘玄方

肉氣味甘平無毒

頌曰久食性冷損人藏器曰禮記食鼈去醜為頸下有軟骨如龜形

者也食之令人患水病凡鼈之三足者赤足者獨目者頭足不縮者其目四陷者腹下有王字卜字文者腹有蛇文者是蛇化也在山上者名旱鼈並有毒殺人不可食弘景曰不可合雞子食莧菜食昔有人對鼈以赤莧同包置濕地經旬皆成生鼈又有裏鼈甲屑經五月皆成鼈者思邈曰不可合猪兔鴨肉食損人不可合芥子食生惡瘡妊婦食之令子短項時珍曰案三元參贊書言鼈性冷發水病有冷勞氣癥瘕人不宜食之生生編言鼈性熱戴原禮言鼈之陽聚于上甲久食令人生發背似與性冷之說相反蓋鼈性本不熟食之者和以椒薑熱物太多失其本性耳鼈性畏蔥及桑灰凡食鼈者宜取沙河小鼈斬頭去



血以桑灰湯煮熟去骨甲換水再煮入葱薑作羹膳食乃良其膳味辣破入湯中可代椒而辟腥氣李九華云鼈肉主聚鼈甲主散食鼈到甲少許入之庶幾稍平又言薄荷煮鼈能害人此皆人之所不知者也

主治傷中益氣補不足

別錄

熱氣濕痺腹中激熱五味

煮食當微泄

藏器

婦人漏下五色羸瘦宜常食之

孟詵

婦

人帶下血瘀腰痛

日華

去血熱補虛久食性冷

蘇頌

補陰

震享作臙食治久痢長髭鬚作丸服治虛勞瘡癰脚氣

時珍

附方

新

瘡癰氣塊

用大鼈一枚以蠶沙一斗桑柴灰一斗淋汁五度同煮如泥去骨再



煮成膏搗九梧子大每服十九日三聖惠方寒濕脚氣疼不可忍用國魚

斗去魚取汁加蒼耳蒼朮尋風藤各半斤煎至七升去渣以盆盛熏蒸待溫浸洗神效乾坤生意骨

蒸欬嗽潮熱團魚丸用團魚一個紫胡前胡貝母知母杏仁各五錢同煮待熟去骨甲裙再煮食

肉飲汁將藥焙研為末仍以骨甲裙煮汁和丸梧子大每空心黃芪湯下三十九日二服服盡仍治參芪

藥調之  
奇效方

脂主治除日拔白髮取脂塗孔中即不生欲再生者

白犬乳汁塗之

藏器

頭乾陰主治燒灰療小兒諸疾婦人產後陰脫下墜尸



症心腹痛恭傳歷年脫肛不愈日華

附方舊一小兒尸症勞瘦或時寒熱用鼈頭一枚燒

惠產後陰脫千金用鼈頭五枚燒研并華水服方

腸脫肛久積虛冷以鼈頭炙研米飲服方寸

頭血主治塗脫肛出甄風中血脉口眼喎僻小兒疳

勞潮熱時珍

發明時珍曰按千金方云目瞤唇動口喎皆風入血

伏龍肝散塗之乾則再上甚妙蓋鼈血之性急縮走血故治口喎脫肛之病



附方

新

中風口喎

鼈血調烏頭末塗之待  
正則即揭去

肘后方小兒疳勞

治潮熱往來五心煩燥盜汗欬嗽用鼈血丸主之以  
黃連胡黃連各稱二兩以鼈血一盞吳茱萸一兩同  
入內浸過一夜炒乾去茱萸血研末入紫胡川芎蘇莢  
各一兩人參半兩使君子仁二十個為末煮粟米粉  
糊和為丸如黍米大每用熟水  
量大小日服三全幼心鑑

卵主治鹽藏煨食止小兒下痢

時珍

爪主治五月五日收藏衣領中令人不忘

肘后

納鼈

宋圖  
經

集解

頌曰鼈之無裙而頭足  
不縮者名曰納亦作納



肉氣味有毒

頌曰食之令人昏塞以黃  
芪吳藍煎湯服之即解

甲氣味有小毒

主治傳尸勞及女子經閉

蘇頌

能

奴來切

鼈

網目

釋名三足鼈

集解

時珍曰爾雅云鼈三足為能郭璞云今吳興陽  
羨縣君山池中出之或以鱗化黃能即此者非

也

肉氣味大寒有毒

頌曰食之殺人時珍曰安姚福庚  
巳編云太倉民家得三足鼈命婦



煮食畢入卧少頃形化為血水止存髮耳隣人疑其婦謀害訟之官時知縣黃廷宣鞠問不決乃別取三足鼈令婦如前烹治取死囚食之入獄亦化如前人遂辨其獄竊謂能之有毒不應如此然理外之事亦未可以臆斷也而山海經云從水多三足鼈食之無蠱近亦有人誤食而無恙者何哉蓋有毒害人亦未必至於骨肉頓化也

主治折傷主痛化血生膏塗之道家辟諸厭穢死氣

或畫像止之

恭蘇

朱鼈

拾遺

集解

藏器曰生南海大如錢腹赤如血云在水中着水馬脚皆令仆倒也時珍曰按淮南子云朱鼈



浮波必  
有大雨

主治丈夫佩之刀劍不能傷女人佩之有媚色

藏器

珠鼈

綱目

集解

時珍曰按山海經云葛山澧水有珠鼈狀如肺而有目六足有珠一統志云生高州海中狀如肺四目六足而吐珠呂氏春秋云澧水魚之美者名曰珠鼈六足有珠淮南子云蛤蟹珠鼈與月盛衰埤雅云鼈珠在足蚌珠在腹皆指此也

氣味甘酸無毒主治食之辟疫癘

時珍

龜

拾遺



釋名

時珍曰按說文云龜大鼈也甲蟲惟龜最大故字從元元者大也

集解

頌曰龜生南方出江湖中大者圓一二丈南人捕食之肉有五色而白者多其卵圓大如鷄鴨

子一產一二百枚人亦掘取以鹽淹食煮之白不凝藏器曰性至難死剔其肉盡口猶咬物可張鳥為弘景曰此物老曰能變為魅非急弗食之時珍曰龜如鼈而大背有腦脰青黃色大頭黃頸腸屬於首以鼈為雌卵生思化故曰龜鳴鼈應淮南子云燒龜脂以致鼈皆氣類相感也張鼎云其脂摩鉄則明或云此物在水食魚與人具體具十二生肖肉裂而懸之一夜便覺垂長也

甲氣味甘平無毒

主治灸黃酒浸治瘰癧殺蟲逐風惡瘡痔瘻風頑疥



瘡功同鼈甲

藏器

五臟邪氣殺百蟲毒百藥毒續筋骨

日華婦人血熱蘇頌

肉氣味甘平微毒

主治濕氣邪氣諸蟲

藏器

食之補益

陶弘景

脂主治摩風及惡瘡

孟詵

膽氣味苦寒有毒主治喉痺以生薑薄荷汁化少許

服取吐

時珍

蟹

本經中品



釋名

螃

郭索

揚雄

橫行介士

蟹

無腸公子

抱朴

雄曰蝦蟇雌曰博帶

廣雅

宗奭曰

此物之來秋初

時珍曰按傳脰蟹譜云蟹水蟲也故字從蟲亦魚屬也故古人從魚以其橫行則曰螃

郭索以其外骨則曰介士以其內空則曰無腸

集解

別錄曰蟹生伊洛池澤諸水中取無時弘景曰蟹類甚多蟪蟪擁劍蟪蟪皆是並不入藥海邊

又有蟪蟪似蟪蟪而大似蟹而小不可食蔡謨初渡江不識蟪蟪啖之幾死嘆曰讀爾雅不熟為學者所

誤也頌曰今淮海汴京河北陂澤中多有之伊洛乃反難得也今人以為食品佳味俗傳八月一日取稻

芒兩枝長一二寸許束行輸送芒長故今南方捕蟹差早則有銜芒須霜後輸芒方可食之否則毒尤猛



也其類甚多六足者名蛭音詭四足者名牝皆有大大  
毒不可食其殼闊而多黃者名蟻生南海中其螫最  
銳斷物如芟刈也食之行風氣其扁而最大後足闊  
者名蝟蜂南人謂之撥掉子以其後脚如掉也一名  
蝟隨潮退殼一退一長其大者如升小者如蓋襟兩  
螫如手所以異於衆蟹也其力至強八月能與虎鬪  
虎不如也一螫大一螫小者名擁劍一名桀步常以  
大螫鬪小螫食物又名執火以其螫赤也其最小無  
毛者名蟬音越吳人訛為彭越爾雅云蝟蟬小者  
蟬郭璞註云即蟬也時珍曰蟹橫行甲蟲也外剛  
內柔於卦象離骨眼蝟腹蝟腦蟹足二螫八脆利鉗  
尖爪殼脆而堅有十二星點雄者臍長雌者臍圓腹  
中之黃應月盈虧其性多躁引聲嚙沫至死乃已生  
於流水者色黃而醒生於止水者色紺而馨佛書言  
其散子後即自枯死霜前食物故有毒霜後將蝟故  
味美所謂入海輸芒者亦謬談也蟬蝟大於蟬蝟生



於陂池田港中故有毒令人吐下似蟪蛄而生於沙  
穴中見人便走者沙狗也不可食似蟪蛄而生海中  
潮至出穴而望者望潮也可食兩螯極小如石者蚌  
江也不可食生溪澗石穴中小而殼堅赤者石蟹也  
野人食之又海中有紅蟹大而色紅飛蟹能飛善化  
國有百足之蟹海中蟹大如錢而腹下又有小蟹如  
榆莢者蟹奴也居蚌腹者蠅奴也又名寄居蟹並不  
可食蟹腹中有蟲如小木蠶子而白者不可食大能  
發風也宗奭曰取蟹以八九月蟹浪之時伺其出  
水而拾之夜則以火照捕之時黃與白滿殼也

修治

時珍曰凡蟹生烹鹽藏糟收酒浸醬汁浸皆為  
佳品但久留易沙見燈赤沙得椒易臚得皂莢

或蒜及韶粉可免沙臚得白芷則黃不散得蔥  
及五味子同煮則色不變藏蟹名曰蛭蟹音馮

氣味鹹寒有小毒

弘景曰未被霜甚有毒云食水  
菰所致人中之不療多死也獨



螫獨目兩目相向六足四足腹下有毛腹中有骨頭  
背有星點足斑目赤者並不可食有毒害人冬瓜汁  
紫蘇汁蒜汁豉汁蘆根汁皆可解之鼎曰娠婦食之  
令子橫生宗奭曰此物極動風風疾人不可食屢見  
其事時珍曰不可同柿及荊芥食  
發霍亂動風木香汁可解詳柿下

# 主治胸中邪氣熱結痛喝僻面腫能敗漆燒之致鼠

本經 弘景曰仙方用之化漆為水服之長生以黑  
犬血灌之三日燒之諸鼠畢至頌曰其黃能化漆為  
水故塗漆瘡用之其螫  
燒烟可集鼠於庭也 解結散血愈漆瘡養筋益氣

別錄 散諸熱治胃氣理經脉消食以醋食之利臍節去

五臟中煩悶氣益人 孟 產後肚痛血不下者以酒食



之筋骨折傷者生搗炒罾之

華日

能續斷絕筋骨去殺

同黃搗爛微炒納入瘡中筋即連也

藏器

小兒解顱不

合以螯同白及末搗塗以合爲度

宗奭

殺莖若毒解鱗

魚毒漆毒治瘡及黃疸搗膏塗疥瘡癬瘡搗汁滴耳

聾

時珍

蝟蟬氣味鹹寒無毒

主治解熱氣治小兒痞氣煮食

華日

蟛蜞氣味鹹冷有毒



主治取膏塗濕癬疽瘡

藏器

石蟹主治搗傅久疽瘡無不瘥者

藏器

發明

慎微曰蟹非蛇鱈之穴無所寄故食鱈中毒者食蟹即解性相畏也沈括筆談云關中無蟹土

人怪其形狀收乾者懸門上辟瘡不但人不識鬼亦不識也時珍曰諸蟹性皆冷亦無甚毒為蟬最良鮮蟹和以薑醋脩以醇酒咀黃持螯畧賞風味何毒之有饕嗜者乃頓食十許枚兼以葷醢雜進飲食自倍腸胃乃傷腹痛吐利亦所以致而歸咎於蟹蟹亦何咎哉洪邁夷堅志云襄陽一盜被生漆塗兩目發配不能覩物有村叟令尋石蟹搗碎濾汁點之則漆隨汁出而瘡愈也用之果明如初漆之畏蟹莫究其義

附方

新

濕熱黃疸

蟹燒存性研末酒糊丸如梧桐子大每服五十丸白湯下日服二次



集方

骨節離脫

生蟹搗爛以熱酒傾入連飲數碗其渣塗之半日內骨內谷谷有聲即好

乾蟹燒灰酒服亦好  
唐瑤經驗方

中鰓魚毒

食蟹即解  
董炳驗方

蟹爪主治破胞墮胎

別錄

破宿血止產後血閉酒及醋

湯煎服良

日華

能安胎

鼎頌曰胡洽方治孕婦僵仆胎上搶心有蟹爪湯

墮生

胎下死胎辟邪魅

時珍

附方

新二

千金神造湯

治子死腹中并雙胎一死一生服之令死者出生者安神驗方

也用蟹爪一升甘草二尺東流水一斗以葦薪煮至二升濾去滓入真阿膠三兩令烺頓服或分二服若人因不能服者灌入即活



下胎蟹爪散

治妊婦有病欲去胎用蟹爪二合桂心瞿麥各一兩牛膝二兩為末空心溫酒

服一錢

千金

殼主治燒存性蜜調塗凍瘡及蜂蠆傷酒服治婦人

兒枕痛及血崩腹痛消積

時珍

附方新崩中腹痛

毛蟹殼燒存性米飲服一錢證治要訣

蜂蠆螫傷

蟹殼

燒存性研末蜜調塗之同上

熏辟壁虱

蟹殼燒烟熏之摘玄

鹽蟹汁主治喉風腫痛滿含細嚥即消

時珍

蟹魚

音后

宋嘉祐



釋名

時珍曰按羅願爾雅翼云鰲者候也鰲善候風故謂之鰲

集解

藏器曰鰲生南海大小皆牝牡相隨牝無目得壯始行牡去則牝死時珍曰鰲狀如惠文冠及

鬣斗之形廣尺餘其甲瑩滑青黑色鍍背骨眼眼在背上口在腹下頭如蜣螂十二足似蟹在腹兩旁長五六尺尾長一二尺有三稜如梭莖背上有骨如角高七八寸如石珊瑚狀每過海相負示背乘風而遊俗呼鰲帆亦曰鰲幟其血碧色腹有子如黍粟米可為醢習尾有珠如粟其行也雌常負雄失其雌則雄即不動漁人取之必得其雙雄小雌大置之水中雄浮雌沉故閩人婚禮用之其藏伏沙上亦自飛躍皮殼甚堅可為冠亦屈為杓入香中能發香氣尾可為小如意脂燒之可集鼠其性畏蚊螫之即死又畏隙光射之亦死而日中暴之往往無恙也南人以其肉作鮓醬小者名鬼鰲食之害人



肉氣味辛鹹平微毒

藏器曰無毒  
誅曰多食發熱及瘡癰

主治治痔殺蟲

孟誅

尾主治燒焦治腸風瀉血崩中帶下及產後痢

日華

發明

藏器曰骨及尾燒灰米飲服大主產後痢但須先服生地黃蜜煎等訖然後服此無不斷

膽主治大風癩疾殺蟲

時珍

附方

新鯿膽散 治大風癩疾用鯿魚膽生白礬生綠礬膩粉水銀麝香各半兩研不見星

每服一錢并華水下取下  
五色涎為妙  
聖濟總錄

殼主治積年呬嗽

時珍



附方

新

積年咳嗽

呀呷作聲用鱉魚殼半兩貝母煨

炙為末煉蜜丸彈子大每含一九嚥  
汁服三九即吐出惡涎而瘥 聖惠

本草綱目卷四十五



欽定四庫全書

本草綱目卷四十六目錄

介之二

蚌蛤類二十九種

附一

牡蠣 本經

蚌 嘉祐

馬刀 本經

蜃 嘉祐

蜃 嘉祐



真珠 開寶

石決明 別錄

海蛤 本經

文蛤 本經

蛤蜊 嘉祐  
即蛤粉

蛭 嘉祐

擔羅 拾遺

車螯 嘉祐



魁蛤

別錄  
瓦壘子  
即

車渠

海藥

貝子

本經

紫貝

唐本

珂

唐本

石蛭

綱目  
即龜脚

淡菜

嘉祐

海羸

拾遺  
即甲香



甲煎拾遺

田羸別錄

蝸羸別錄

蓼羸拾遺

寄居蟲拾遺

海月拾遺

海鏡附

海燕網目

郎君子海樂



右附方舊二十二新九十六



本草綱目卷四十六目錄



欽定四庫全書

本草綱目卷四十六

明 李時珍 撰

介之二

蛤蚌類二十九種附一種

牡蠣

本經上品

釋名牡蛤

別錄

牡蠣蛤

本經古貢

異物志

蠔

弘景曰道家方以左顧是雄故名牡

蠣右顧則

牡蠣

也或以尖頭為左顧藏器曰萬物皆有牡牡惟

而生宗真

曰本經

不言左顧止從陶說而段成式亦云牡蠣言牡非謂雄也且如牡丹豈有牡丹乎此物



無目更何顧時珍曰蛤蚌之屬皆有胎生卵生獨此化生純雄無雌故得牡名曰蠃曰螾言其根大也

集解

別錄曰牡蠃生東海池澤采無時弘景曰今出東海永嘉晉安云是百歲鵬所化十一月采以

大者為好其生著石皆以口在上舉以腹向南視之口斜向東則是左顧出廣州南海者亦同但多右顧不堪用也丹方及煮鹽者皆以泥釜云耐水火不破漏皆除其甲口止取臄臄如粉耳頌曰今海旁皆有之而通泰及南海閩中尤多皆附石而生硨磲相連如房呼為蠃房晉安人呼為螾莆初生止如拳石四面漸長至一二丈者嶄巖如山俗呼螾山每一房內有肉一塊大房如馬蹄小者如人指面每潮來諸房皆開有小蟲入則合之以充腹海人取者皆鑿房以烈火逼之批取其肉當食品其味美好更有益也海族為最貴時珍曰南海人以其蠃房砌墻燒灰粉壁食其肉謂之蠃黃保昇曰又有煙蠃形短不入藥用



穀曰有石牡蠣頭邊皆大小夾沙石真似牡蠣只是圓如龜殼海牡蠣可用只丈夫服之令人無鬚也其真牡蠣用火煨過以鹽試之隨手走起者是也鹽乃千年琥珀

**修治**

宗奭曰凡用須泥固燒為粉亦有生用者穀曰凡真牡蠣先用二十箇以東流水入鹽一兩煮

一伏時再入火中煨赤研粉用時珍曰按溫隱居云牡蠣將童尿浸四十九日五日一換取出以硫黃末和米醋塗上黃泥固濟煨過用

**氣味鹹平微寒無毒**

之才曰貝母為之使得甘草牛膝遠志蛇牀子良惡麻黃辛夷

吳茱萸  
伏礪砂

**主治傷寒寒熱溫瘧洒洒驚恚怒氣除拘緩鼠瘻女**



子帶下赤白久服強骨節殺邪鬼延年本經除留熱在

關節營衛虛熱去來不定煩滿心痛氣結止汗止渴

除老血療洩精澀大小腸止大小便治喉痺欬嗽心

脇下痞熱

別錄

粉身止大人小兒盜汗同麻黃根蛇牀

子乾薑為粉去陰汗

藏器

治女子崩中止痛除風熱風

瘡鬼交精出

孟詵

男子虛勞補腎安神去煩熱小兒驚

癰

李恂

去脇下堅滿瘰癧一切瘡

好古

化痰栗堅清熱除

濕止心脾氣痛痢下赤白濁消疝瘕積塊癭疾結核



時珍

發明

權曰病虛而多熱者宜同地黃小草用之好古曰牡蠣入足少陰為裏堅之劑以柴胡引之能

去腸下硬以茶引之能消項上結核以地黃引之能消股間腫以地黃為使能益精收澁止小便腎經血分之藥也成無已曰牡蠣之鹹以消胸膈之儲以泄水氣使痞者消硬者裏也元素曰牡水之主以制陽光則渴飲不思故蛤蠣之類能止渴也

附方

舊七新十四

心脾氣痛

氣實有痰者牡蠣煨粉酒服二錢丹溪心法

瘡疾

寒熱

牡蠣粉杜仲等分為末蜜九梧子大每服五十九溫水下

氣虛盜汗

上方

為末每酒服方寸匕千金方

虛勞盜汗

牡蠣粉麻黃根黃芪等分為末每服二錢水二盞煎



七分溫服日

一 本事方 產后盜汗

牡蠣粉麥麩炒黃等分每服一錢用猪肉汁調下經驗

消渴飲水

臘日或端午日用黃泥固濟牡蠣煨赤研末每服一錢用活鯽魚煎湯調下只二三

服愈

經驗方

百合變渴

傷寒傳成百合病如寒無寒如熱無熱欲臥不臥欲行不行欲食不

食口苦小便赤色得藥則吐利變成渴疾久不瘥者用牡蠣熬二兩括樓根二兩為細末每服方寸匕用

米飲調下日三服取效

張仲景金匱玉函方

病后常衄

小勞即作牡蠣十分石膏五分為末

酒服方寸匕亦可蜜

丸日三服

肘后方

小便淋瀝

服血藥不效者用牡蠣粉黃藥炒等分為

未每服一錢小茴香

湯下取效

醫學集成

小便數多

牡蠣五兩燒灰小便三升煎二升分三服

神效

乾

坤生意

夢遺便溏

牡蠣粉醋糊丸梧子大每服三十丸米飲下日二服丹溪方



水病囊腫

牡蠣煨粉二兩乾薑炮一兩研末冷水調糊掃上須臾囊熱如火乾則再上小便利

即愈一方用葱汁白麴同調小兒不用乾薑初虞世古今錄驗方月水不止牡蠣煨研米醋

搜成團再煨研末以米醋調艾葉末熬膏金瘡出血丸梧子大每醋湯下四五十丸普濟方

牡蠣粉傳破傷濕氣錢口禁強直用牡蠣粉酒服二肘后破傷濕氣錢仍外傳之取效三因方發

背初起

古貢粉灰以雞子白和塗癰腫未成用此拔毒水調四圓頻上取效千金方

牡蠣粉末塗之乾更上姚僧坦集驗方論

男女瘰癧

經驗用牡蠣煨研末四兩玄參末三

兩麴糊丸梧子大每服三十丸酒下日三服服盡除根初虞世云瘰癧不拘已破未破用牡蠣四兩甘

草一兩為末每食后用臘茶湯調服一錢其效如神甲疽潰痛弩肉裏趾甲膿血不瘥者用牡



蠅頭厚處生研為末每服二錢紅花煎酒調下日三服仍用敷之取效勝金方

面色鰲黑

牡蠣粉研末蜜丸梧子大每服三十九白湯下日一服并炙其肉食之普濟方

肉氣味甘溫無毒

主治煮食治虛損調中解丹毒婦人血氣以薑醋生食治丹毒酒後煩熱止渴

藏器

炙食甚美令人細肌膚

美顏色

蘇頌

蚌

宋嘉祐

釋名

時珍曰蚌與蛤同類而異形長者通曰蚌圓者通曰蛤故蚌從中蛤從合皆象形也後世混稱



蛤蚌者  
非也

集解

弘景曰雀入大水為蜃蜃即蚌也藏器曰生江漢渠漬間老蚌含珠殼堪為粉非大蛤也時珍

曰蚌類甚繁今處處江湖中有之惟洞庭漢沔獨多大者長七寸狀如牡蠣輩小者長三四寸狀如石決明輩其肉可食其殼可為粉湖沔人皆印成錠市之謂之蚌粉亦曰蛤粉古人謂之蜃灰以飾墻壁闔墓壙如今用石灰也

肉氣味甘鹹冷無毒

宗奭曰性微冷多食發風動冷氣震亨曰馬刀蚌蛤蚬蜆大同

小異寇氏止言冷而不言濕濕生熱熱久則氣上升而生痰生風何冷之有

主治止渴除熱解酒毒去眼赤

孟詵

明目除濕主婦人



勞損下血

藏器

除煩解熱毒血崩帶下痔瘻壓丹石藥

毒以黃連末納入取汁點赤眼眼暗

日華

蚌粉氣味鹹寒無毒

日華曰能制石亭脂  
鏡源曰能制硫黃

主治諸疔止痢并嘔逆醋調塗癰腫

日華

爛穀粉治反

胃心胸痰飲用米飲服

藏器

解熱燥濕化痰消積止白

濁帶下痢疾除濕腫水嗽明目擦陰瘡濕瘡癩痒

時珍

發明

時珍曰蚌粉與海蛤粉同功皆水產也治病之要只在清熱行濕而已日華言其治疔近有一

兒病疔專食此粉不復他食亦一異也



附方

新

反胃吐食

用真正蛤粉每服稱過二錢搗生薑汁一盞再入米醋同調送下

急救良方

痰飲咳嗽

用真蚌粉新瓦炒紅入青黛少許用淡薑水滴麻油數點調服二錢類

編云徽宗時李防禦為入內醫官時有寵妃病痰嗽終夕不寐面浮如盤徽宗呼李治之詔令供狀三日

不效當誅李憂惶技窮與妻泣別忽聞外叫賣款嗽藥一文一貼喫了即得睡李市一貼視之其色淺碧

恐藥性獷悍併二服自試之無他及取三貼為一入內授妃服之是夕嗽止比曉面消內侍走報天顏大

喜賜金帛直萬緡李恐索方乃尋訪前賣藥人飲以酒厚價求之則此方也云自少時從軍見主帥有此

方割得以及度餘生耳

癰疽赤腫

用米醋和蚌蛤灰塗之待其乾即易之千金

雀目夜

盲遇夜不能視物用建昌軍螺兒蚌粉三錢為末水飛過雄猪肝一葉披開納粉扎定以第二米泔煮



七分 仍別以蚌粉蘊食以汁送下  
一日一作與夜明砂同功 直指方 脚指濕爛 用蚌

乾搽之 壽域 積聚痰涎 結于胸膈之間 心腹疼痛 日夜不

蚌粉一兩以巴豆七粒同炒赤去豆不用醋和粉丸  
梧子大每服二十九薑酒下丈夫臍腹痛茴香湯下

女人血氣痛童便和  
酒下 孫氏仁存方

馬刀

本經  
下品

校正

併入拾  
遺齊蛤

釋名馬蛤

別錄

齊蛤

吳普 蛭 爾雅

麤 品 脾 排 三

禮 蛭 蛭 音 亭

音 出 周 禮

蛭 蛭 音 亭

音 亭

音 亭

單母

音 善

煇岸

煇音掣

時珍曰俗稱大為馬其形

象刀故名曰蛤曰庫皆蚌字之音轉

也古今方言不同也說文云圓者曰蠡長者曰麤

漢人呼為單姥汴人呼為煇岸吳普本草言馬刀即

漢人呼為單姥汴人呼為煇岸吳普本草言馬刀即



齊蛤而唐宋本草失收陳  
藏器重出齊蛤今併為一

**集解**

別錄曰馬刀生江湖池澤及東海取無時弘景曰李當之言生江漢長六七寸食其肉似蚌今

人多不識大抵似今蚌蛭而未見方用韓保昇曰生江湖中細長小蚌也長三四寸濶五六分頌曰今處處有之多在沙泥中頭小銳人亦謂之蚌藏器曰齊蛤生海中狀如蛤兩頭尖小海人食之別無功用時珍曰馬刀似蚌而小形狹而長其類甚多長短大小厚薄斜正雖有不同而性味功用大抵則一

**殼**  
煉粉用

氣味辛微寒有毒得水爛人腸又曰得水良

茶曰得火良時珍曰按吳普云神農岐伯桐君鹹有毒扁鵲小寒大毒藏器曰遠志蠟皆畏齊蛤

主治婦人漏下赤白寒熱破石淋殺禽獸賊鼠

本經

能



除五臟間熱肌中鼠鼯止煩滿補中去厥痺利機關

別錄消水瘰氣瘰癧飲時珍

肉同

蟻音咸進

宋嘉祐

釋名生蟻嘉祐蟻蛤水土

集解

藏器曰蟻生東海似蛤而扁有毛頌曰似蛤而長身扁宗奭曰順安軍界河中亦有之與馬

刀相似肉頗冷人以作鮓食不堪致遠

殼主治燒末服治痔病藏器



肉 宗奭曰多食發風

蜆 宋嘉祐

釋名扁螺

時珍曰蜆蜆也殼內光耀如初出日采也隋書云劉臻父顯嗜蜆呼蜆為扁螺

集解

藏器曰處處有之小如蚌黑色能候風雨以殼飛時珍曰溪湖中多有之其類亦多大小厚薄

不一漁家多食之耳

肉氣味甘鹹冷無毒

藏器曰微毒多食發嗽及冷氣消腎

主治治時氣開胃壓丹石藥毒及疔瘡下濕氣通乳

糟煮食良生浸取汁洗疔瘡

蘇恭

去暴熱明目利小便



下熱氣脚氣濕毒解酒毒目黃浸汁服治消渴日生

蜆浸水洗痘癰無癰痕時珍

爛穀氣味鹹溫無毒

主治止痢弘景治陰瘡蘇恭療失精反胃日華燒灰飲服治

反胃吐食除心胸痰水藏器化痰止嘔治吞酸心痛及

暴嗽燒灰塗一切濕瘡與蚌粉同功時珍

附方舊一卒嗽不止用白蜆殼搗為細末以熟米飲

急救良方痰喘咳嗽用白蜆殼多年陳者燒過存性為極



救反胃吐食用黃蜆殼并田螺殼並取久在泥中者各等分炒成白灰每二兩入白梅肉四

個搗和為丸再入砂合子內蓋定泥固煨存性研細末每服二錢用人參縮砂湯調下不然用陳米飲調

服亦可凡覺心腹脹痛將發反胃即以此藥治之百一方

真珠宋開寶

釋名珍珠開寶蚌珠南方蠙珠禹貢

集解李珣曰真珠出南海石決明產也蜀中西路女瓜出者是蚌蛤產光白甚好不及舶上者采耀

欲穿須得金剛鑽也頌曰今出廉州北海亦有之生於珠牡亦曰珠母蚌類也按嶺表錄異云廬州邊海中有洲島島上有大池謂之珠池每歲刺史親監珠戶入池採老蚌剖取珠以充貢也雖在海上海人疑



其底與海通池水乃淡此不可測也土人採小蚌肉作脯食亦往往得細珠如米乃知此池之蚌大小皆有珠也而今之取珠壯者云得之海旁不必是池中其北海珠蚌種類小別人取其肉或有得珠者不甚光瑩亦不常有不堪入藥又蚌中一種似江珧者腹亦有珠皆不及南海者奇而且多宗奭曰河北塘濤中亦有圓及寸者色多微紅珠母與蘆州者不相類但清水急流處其色光白濁水及不流處其色暗也時珍曰按蘆州志云合浦縣海中有梅青嬰三池蠶人每以長繩繫腰攜籃入水拾蚌入籃即振繩令舟人急取之若有一線之血浮水則棄魚腹矣又熊太古翼越集云禹貢言淮夷蠙珠後世乃出嶺南今南珠色紅西洋珠色白北海珠色微青各隨方色也予嘗見蠶人入海取得珠子樹數擔其樹狀如柳枝蚌生於樹不可上下樹生于石蠶人鑿石得樹以求蚌甚可異也又南越志云珠有九品以五分至一寸



八九分者為大品有光彩一邊似度金者名璫珠次則走珠滑珠等品也格古論云南畝珠色白圓耀者為上廣西者次之北海珠色微青者為上粉白油黃者下也西畝馬價珠為上色青如翠其老色夾石粉青油烟者下也凡蚌聞雷則瘕瘦其孕珠如懷孕故謂之珠胎中秋無月則蚌無胎左思賦云蚌蛤珠胎與月盈虧是矣陸佃云蚌蛤無陰陽牝牡須雀蛤化成故能生珠專一於陰精也龍珠在額蛇珠在口魚珠在眼鰓珠在皮鼈珠在足蛛珠在腹皆不及蚌珠也

**修治**

李珣曰凡用以新完未經鑽綴者研如粉方堪服食不細則傷人臟腑

盛之置壯蠟四兩於平底鐺中以物四向支穩然後着珠於上乃下地榆五花皮五方草各剉四兩籠住以漿水不住火煮三日夜取出用甘草湯淘淨於白中搗細重篩更研二萬下方可服食慎微曰抱朴子



云真珠徑寸以上服食令人長生以酪漿漬之皆化如水銀以浮石蜂窠蛇黃等物合之可引長三四尺為丸服之時珍曰凡入藥不用首飾及見尸氣者以人乳浸三日煮過如上搗研一法以絹袋盛入豆腐腹中煮一炷香云不傷珠也

氣味鹹甘寒無毒

主治鎮心點目去膚腎障膜塗面令人潤澤好顏色

塗手足去皮膚逆臚綿裹塞耳主聾

開寶

磨腎墜痰

甄權

除面黥止洩合知母療煩熱消渴合左纏根治小兒

麩豆瘡入眼

李珣

除小兒驚熱

宗奭

安魂魄止遺精白濁



解痘疔毒主難產下死胎胞衣

時珍

發明

時珍曰真珠入厥陰肝經故能安魂定魄明目治聾

附方

舊三新九

安魂定魄

真珠末豆大一粒蜜一蜆殼和服日三尤宜小兒

肘后

卒

忤不言

真珠末用雞冠血和丸大以三四粒納口中

肘后

灰塵迷目

用大珠拭

之則明也

婦人難產

真珠末一兩酒服立出

千金

胞衣不下

真珠一兩

研末苦酒

子死腹中

真珠末二兩酒服立出

外臺

癰疽不發

珠七枚

為末新汲水調服

痘瘡疔毒

方見穀部

肝虛目暗

茫茫不見

真珠末一兩白蜜二合鯉魚膽二枚和合銅器煎至一半新綿漉過瓶盛頻點取瘡

聖惠方

青盲



不見

上方同

小兒中風

手足拘急真珠末水飛一兩石羔末一錢每服一錢水七分煎

四分溫服日

目生頑翳

真珠一兩地榆二兩水二大盞煮乾取真珠以醋浸五日

三聖惠方

熱水淘去醋氣研細末用每點少許以愈為度

石決明

別錄上品

釋名九孔螺

日華殼名千里光

時珍曰決明千里光以功名也九孔螺以形名

也

集解

弘景曰俗云是紫貝人皆水漬熨眼頗明又云是鰓魚甲附石生大者如手明耀五色內亦含

珠恭曰此是鰓魚甲也附石生狀如蛤惟一片無對七孔者良今俗用紫貝全非頌曰今嶺南州郡及萊



州海邊皆有之采無時舊注或以為紫貝或以為鰓  
魚甲按紫貝即今研螺殊非此類鰓魚乃王莽所嗜  
者一邊着石光明可愛自是一種與決明相近也決  
明殼大如手小者如三兩指大可以浸水洗眼七孔  
九孔者良十孔者不佳海人亦啖其肉宗奭曰登萊  
海邊甚多人采肉供饌及乾充苞苴肉與殼兩可用  
時珍曰石決明形長如小蚌而扁外皮甚粗細孔雜  
雜內則光耀背側一行有孔如穿成者生於石崖之  
上海人泅水乘其不意即易得之否則緊粘難脫也  
陶氏以為紫貝雷氏以為真珠壯楊倞註荀子以為  
龜甲皆非矣惟鰓魚是一種二類故功用相  
同吳越人以糟決明酒蛤蜊為美品者即此

**修治**

陶曰凡用以麪裏煨熟磨去粗皮爛搗再乳細  
如麪方堪入藥徵曰每五兩用鹽半兩同東流

水入瓷器內煮一伏時搗末研粉再用五花皮地榆  
阿膠各十兩以東流水淘三度日乾再研一萬下入



藥服至十兩永不得食山龜令人喪日時珍曰今方家只以鹽同東流水煮一伏時研末水飛用

殼氣味

保昇曰寒 宗爽曰肉與殼功同

主治目障醫痛青盲久服益精輕身

別錄明目磨障日華

肝肺風熱青盲內障骨蒸勞極

李珣水飛點外障醫宗

藥

通五淋時珍

附方

舊一  
新四

羞明怕日

用千里光黃菊花甘草各一錢水煎冷服明目集驗方痘

後目翳

用石決明火煨研谷精草各等分共為細末以猪肝燕食鴻飛集小便五淋

用石決明去粗皮研為末飛過熱水服二錢每日二服如淋中有軟硬物即加朽木末五分勝金方



肝虛目翳

凡氣虛血虛肝虛眼白俱赤夜如雞喙生浮醫者用海蚌殼燒過成灰木賊焙各等

分為末每服三錢用薑棗同水煎和渣通口服每日服二次

經驗方

青盲雀目

用石決明

一兩燒過存性外用蒼朮三兩去皮為末每服三錢以豬肝披開入藥末在內扎定砂礮煮熟以氣薰目待冷食肝飲汁龍目論解白酒酸用石決明不拘多少數個以火煨過研為細末將酒盪熱以決明末攪入酒內蓋住一時取飲之其味即不酸

海蛤

本經上品

釋名

時珍曰海蛤者海中諸蛤爛殼之總稱不專指一蛤也舊本云一名魁蛤則又指是一物矣係

是誤書今削之



集解

別錄曰海蛤生東海保昇曰今登萊滄州海沙

海蛤細如巨勝子光淨瑩滑者好其粗如半杏仁者為鈍耳蛤不堪入藥時珍曰按沈存中筆談云海蛤即海邊沙泥中得之大者如碁子小者如油麻粒黃白色或黃赤相雜蓋非一類乃諸蛤之殼為海水礮礪日久光瑩都無舊質蛤類至多不能分別其為何蛤故通謂之海蛤也餘見下條

正誤

吳普曰海蛤頭有文文如鋸齒時珍曰此乃魁蛤非海蛤也蓋誤矣今正之弘景曰海蛤至

滑澤云從雁屎中得之二三十過方為良今人多取相類者磨蕩之日華曰此是雁食鮮蛤糞出者有文彩為文蛤無文彩為海蛤鄉人又以海邊爛蛤殼風濤打磨瑩淨者偽作之藏器曰二說皆非也海蛤是海中小者為佳非一一從雁腹中出也文蛤是未



爛時殼猶有父者二物本同一類正如爛蜆蚌殼所主亦與生者不同也假如雁食蛤殼豈擇文與不文耶宗奭曰海蛤文蛤陳說極是今海中無雁豈有糞耶蛤有肉時猶可食也肉既無矣安得更糞過二三十次耶陶說謬矣時珍曰海蛤是諸蛤爛殼文蛤自是一種陳氏言文蛤是未爛時殼則亦泛指諸蛤未爛者矣其說未穩但海中蛤蚌名色雖殊性味相類功用亦同無甚分別也

**修治**

敷曰凡使海蛤勿用游波蟲骨真相似只是面上無光誤餌之令人狂走欲殺水如鬼祟惟醋

解之立愈其海蛤用漿水煮一伏時每一兩入地骨皮柏葉各二兩同煮一伏時東流水淘三次搗粉用保昇曰取得以半天河煮五十刻以枸杞汁拌勻入簞竹筒內蒸一伏時搗用

**氣味苦鹹平無毒**

吳普曰神農苦岐伯甘扁鵲鹹權曰有小毒之才曰蜀椒為之使



畏狗膽甘

遂光花

主治欬逆上氣喘息煩滿胸痛寒熱本經療陰痿別錄主

十二水滿急痛利膀胱大小腸唐本治水氣浮腫下小

便治嗽逆上氣項下瘤癭甄權療嘔逆胸脇脹急腰痛

五痔婦人崩中帶下日華止消渴潤五臟治服丹石人

有瘡蕭炳清熱利濕化痰飲消積聚除血痢婦人血結

胸傷寒反汗搖擗中風癰瘡時珍

附方舊二水瘡腫滿藏器曰用海蛤杏仁漢防已棗新七



梧子大一服十九水腫發熱小便不通者海蛤湯主

服至利下水為妙

滑石黃葵子桑白皮各一錢燈石水肢瘦其腹獨大者海蛤丸

心三分水煎服日二聖惠方

主之海蛤粉防已各七錢半葶藶赤茯苓桑白皮各一兩陳橘皮郁李仁各半兩為末蜜丸如梧子大

每米飲下五十九日

二次聖濟總錄

氣腫濕腫用海蛤海帶海藻海

枝殼等分流水煎

服日二次何氏

血痢內熱海蛤末蜜水調服

血結胸脹痛不可近仲景無方宜海蛤散主之并刺

末每服二錢雞子清調服更服桂枝紅花湯發其汗

則愈蓋腫中血聚則小腸壅小腸壅則血不行服此

則小腸通則血流行而胸

膈利矣朱耽活人書

傷寒擗溺寇宗奭曰傷寒

出汗不徹手脚



擣者用海蛤川烏頭各一兩川山甲二兩為末酒丸  
如彈子大捏扁置所患足心下別擘蔥白蓋藥以帛  
纏定於暖室中熱水浸脚至膝上水冷又添  
候遍身汗出為度凡三日一作以知為度

中風癱

瘡

方同上又具  
鱖鯉甲下

衄血不止

蛤粉一兩羅七遍槐花半  
兩炒焦研勻每服一錢新

沒水調下  
楊氏家藏方

文蛤

本經  
上品

釋名花蛤

時珍曰皆  
以形名也

集解

別錄曰文蛤生東海表有文取無時弘景曰小  
大皆有紫斑保昇曰今出萊州海中三月中旬

采背上有斑文恭曰大者圓三寸小者圓五六分時  
珍曰按沈存中筆談云文蛤即今吳人所食花蛤也



其形一頭小一頭大  
殼有花斑的便是

修治

蛤同海

氣味鹹平無毒

主治惡瘡蝕五痔

本經

欬逆胸痺腰痛脇急鼠癰大孔

出血女人崩中漏下

別錄

能止煩渴利小便化痰軟堅

治口鼻中蝕疳

時珍

發明

時珍曰按成無已云文蛤之鹹走腎以勝水氣

附方

舊一新

傷寒文蛤散

張仲景云病在陽當以汗解反以冷水喫之或灌之更益



煩熱欲水不渴者此散主之文蛤五兩為末每服方寸匕沸湯下甚效

疳蝕口鼻

數日欲盡

文蛤燒灰以臘豬脂和塗之千金翼

蛤蜊

梨宋嘉祐

釋名

時珍曰蛤類之利於人者故名

集解

機曰蛤蜊生東南海中白殼紫唇大二三寸者閩浙人以其肉充海錯亦作為醬醢其殼火煨

作粉名曰

蛤蜊粉也

肉氣味鹹冷無毒

藏曰此物性雖冷乃與丹石人相反食之令腹結痛

主治潤五臟止消渴開胃治老癬為寒熱婦人血塊



宜煮食之

錫

煮食醒酒

景弘

發明

時珍曰按高武痘疹正宗云俗言蛤蚧海錯能發疹多致傷損脾胃生瘰作嘔作瀉此皆嘻笑

作罪也又言痘毒入目者以蛤蚧汁點之可代空青夫空青得銅之精氣而生性寒可治赤目若痘毒是臟腑毒氣上衝非空青可治蛤蚧雖寒而濕中有火亦不可不知矣

蛤蚧粉釋名海蛤粉

時珍曰海蛤粉者海中諸蛤之粉以別江湖之蛤粉蚌粉也今

人指稱但曰海粉蛤粉寇氏所謂衆蛤之灰是矣近世獨取蛤蚧粉入藥然貨者亦多衆蛤也大抵海中蚌蛤蚧蠣性味鹹寒不甚相遠功能軟散小異大同非若江湖蚌蛤無鹹水浸漬但能清熱利濕而已今藥肆有一種狀如線粉者謂之海粉得水則易爛蓋後人因名售物也然出海中沙石間故功亦能化痰



堅 稟

修治

震亨曰蛤粉用蛤蜊燒煨成粉不入煎劑時珍曰按吳球云凡用蛤粉取紫口蛤蜊殼炭火煨

成以熟枯樓連子同搗和成團風乾用最妙

正誤

機曰丹溪有言蛤粉即是海石寇氏以海石註蛤粉則二物可通用矣海石即海蛤蛤粉即蛤

蜊殼燒成也時珍曰海石乃海中浮石也詳見石部汪氏誣引朱寇之說為證陳嘉謨本草又引為據今

考二公本書並無前說今正其誤

氣味鹹寒無毒

主治熱痰濕痰老痰頑痰疝氣白濁帶下同香附末



薑汁調服主心痛震亨清熱利濕化痰飲定喘嗽止嘔

逆消浮腫利小便止遺精白濁心脾疼痛化積塊解

結氣消癭核散腫毒治婦人血病油調塗湯火傷時珍

發明

震亨曰蛤粉能降能消能寒散散熱而鹹走血故能

消焉堅者與之以鹹取其屬水而性潤也濕者燥之以  
以滲取其經火化而利小便也好古曰蛤粉乃腎經  
血分之藥故主  
濕嗽腎滑之疾

附方

舊一  
新三

氣虛水腫

昔滁州酒庫攢司陳通患水腫  
垂死諸醫不治一嫗令以大蒜

十個搗如泥入蛤粉九梧子大每食前白湯  
下二十九服盡小便下數桶而愈普濟方心氣疼



痛

真蛤粉炒過白佐以香附末  
等分白湯淬服聖惠方

白濁遺精

潔古云陽盛陰虛故

精泄也真珠粉丸主之用蛤粉煨一斤黃柏新瓦炒過一斤為細末白水丸如梧子大每服一百丸空心

用溫酒下日二次蛤粉味鹹而且能補腎陰黃柏苦而降心火也

雀目夜盲

真蛤粉炒黃為

末以油蠟化和丸皂子大內於豬腰子中麻紫定蒸食之一日一服儒門事親

蛭

丑真切  
宋嘉祐

釋名

集解

藏器曰蛭生海泥中長二三寸大如指兩頭開時珍曰蛭乃海中小蚌也其形長短大小不一

與江湖中馬刀蟻蛭相似其類甚多閩粵人以田種之候潮泥墮沃謂之蛭田呼其肉為蛭腸



肉氣味甘平無毒

說曰天行病後不可食

主治補虛主冷痢煮食之去胸中邪熱煩悶飯後食

之與服丹石人相宜治婦人產後虛損

嘉祐

擔羅

拾遺

集解

藏器曰蛤類也生新羅國彼人食之

氣味甘平無毒主治熱氣消食雜昆布作羹主結氣

藏器

車螯

宋嘉祐



釋名蜃

音賢時珍曰車螯俗訛為昌娥蜃與蛟蜃之蜃同名異物周禮鼈人掌互物春獻鼈蜃秋

獻龜魚則蜃似為大蛤之通稱亦不專指車螯也

集解

藏器曰車螯生海中是大蛤即蜃也能吐氣為樓臺春夏依約島嶼常有此氣頌曰南海北海

皆有之采無時其肉食之似蛤蜊而堅硬不及近世瘰癧多用其殼北中者不堪用背紫色者海人亦名紫貝非矣時珍曰其殼色紫瑣粲如玉斑點如花海人以火炙之則殼開取肉食之鍾疏云車螯蚶蠣眉目內缺獠殼外緘無香無臭瓦礫何殊宜充庖廚永為口食羅願云雀入淮為蛤雉入海為蜃大蛤也肉可以食殼可飾器物灰可闔塞墻壁又可為粉飾面俗呼蛤粉亦或生珠其為用多矣又臨海水土記云似車螯而角不正者曰移角似車螯而殼薄者曰姑勞似車螯而小者曰羊蹄出羅江昔人皆謂雉化者



乃蛟蜃之蜃而陳氏羅氏以為蛤蜊之蜃似誤詳鱗部蛟龍下

肉氣味甘鹹冷無毒

說曰不可多食

主治解酒毒消渴并瘰

腫

藏器

殼氣味

同肉

主治瘡癰腫毒燒赤醋淬二度為末同甘

草等分酒服并以醋調傳之

日華

消積塊解酒毒治瘰

疽發背焮痛

時珍

發名

時珍曰車螯味鹹氣寒而降陰中之陰也入血分故宋人用治瘰疽取惡物下云有奇功亦須

審其氣血虛實老少如何可也今外科斟酌用者



附方

新

車螯轉毒散

治發背癰疽不問淺深大小利去病根則免傳變用車螯即昌

娥紫背光厚者以鹽泥固濟煨赤出火毒一兩生甘草末一錢半輕粉五分為末每服四錢用枯樓一個

酒一盞煎一盞調服五更轉下惡物為度未下再服甚者不過二服外科精要

六味車螯散

治症同上用車螯四個黃泥固濟煨赤出毒研末燈心三十莖枯樓一個取仁

炒香甘草節炒二錢通作一服將三味入酒二盞煎半盞去滓入蜂蜜一匙調車螯末二錢膩粉少許空心溫服下惡涎毒為度本事

魁蛤

別錄上品

校正

時珍曰宋嘉祐別出蛆條今據郭璞說合併為一

釋名魁陸

別錄蚶一作

瓦屋子

嶺表錄

瓦龍子

時珍曰魁者羹斗之



名蛤形肖之故也蚶味甘故從甘案嶺表錄異云南人名空慈子尚書盧鈞以其殼似瓦屋之螯改爲瓦屋瓦螯也廣人重其肉炙以薦酒呼爲天鰲廣人謂之蜜丁名醬別錄云一名活東誤矣活東蚶斗也見

兩伏老

頌曰說文云老伏翼化爲魁蛤故名伏老

集解

別錄曰魁蛤生東海正圓兩頭空表有文采無時弘景曰形似紡輕小狹長外有縱橫文理云

是老蝸所化方用至少保昇曰今出萊州形圓長似大腹櫛榔兩頭有孔藏器曰蚶生海中殼如瓦屋時珍曰案郭璞爾雅註云魁陸即今之蚶也狀如小蛤而圓厚臨海異物志云蚶之大者徑四寸背上溝文似瓦屋之螯肉味極佳今浙東以近海田種之謂之蚶田

肉氣味甘平無毒

鼎曰寒炳曰溫凡食訖以飯壓之否則令人口乾時珍曰案劉恂曰



灸食益人過  
多即壅氣

主治痿痺洩痢便膿血

別錄

潤五臟止消

渴利關節服丹石人宜食之免生瘡腫熱毒鼎心脊

冷氣腰脊冷風利五臟健胃令人能食

藏器

溫中消食

起陽

蕭炳

益血色

日華

穀修治

日華曰凡用取陳久者炭火煨赤米醋淬三度出火毒研粉

氣味甘鹹平無毒主治燒過醋淬醋丸服治一切血

氣冷氣癥癖

日華

消血塊化痰積

震亨

連肉燒存性研傳

小兒走馬牙疳有效

時珍



發明

時珍曰鹹走血而更堅故瓦礫子能消血塊散瘀積

車渠

海藥

校正

自玉石部移入此

釋名海扇

時珍案韻會云車渠海中大貝也背上礫文如車輪之渠故名車溝曰渠錙積霏雪

錄云海扇海中甲物也其形如扇背丈如瓦屋三月三日潮盡乃出梵書謂之牟婆各揭拉婆

集解

李珣曰車渠云是玉石之類生西國形如蚌蛤有文理西域七寶此其一也時珍曰車渠大蛤

也大者長二三尺濶尺許厚二三寸殼外溝壑如蚌殼而深大皆縱文如瓦溝無橫文也殼內白哲如玉亦不甚貴番人以飾器物謬言為玉石之類或云玉中亦有車渠而此蛤似之故也沈存中筆談云車渠大者如箕背有渠壑如蚌殼以作器緻如白玉楊慎丹鉛錄云車渠作孟注酒滿過一分不溢試之果然



殼氣味甘鹹大寒無毒主治安神鎮宅解諸毒藥及

蟲螫同玳瑁等分磨人乳服之極驗

珣

發明

時珍曰車渠蓋瓦壘之大者故其功用亦相彷彿

貝子

本經下品

釋名貝齒

別錄

白貝

日華

海肥

俗作貶

音巴

時珍曰貝字

象形其中二點象其齒刺

其下二點象其垂尾古者貨貝為寶龜用為交易以

二為朋今獨雲南用之呼為海肥以一為庄四庄為

手四手為苗五苗為索頌曰貝腹

下潔白有刺如魚齒故曰貝齒

集解

別錄曰貝子生東海池澤采無時弘景曰出南海此是小小白貝子人以飭軍容服物者珣曰



雲南極多用為錢貨交易頌曰貝子貝類之最  
小者亦若蝸狀長寸許色微白亦有深紫黑者  
今多穿與小兒戲弄北人用綴衣及穗帽為  
飾鬚頭家用以飾鑑畫家用以研物時珍曰  
貝子小白貝也大如拇指頂長寸許背腹皆  
白諸貝皆背隆如龜背腹下兩開相向有齒  
刺如魚齒其中肉如蝌蚪而有首尾故魏  
子才六書精蘊云貝介蟲也背穹而渾以象  
天之陽腹平而拆以象地之陰貝類不一  
按爾雅云貝在陸曰賸音標在水曰蛭音  
函大曰魴音杭小曰鯖音脊黑曰玄赤曰  
貽黃質白文曰餘貳音池白質黃文曰  
餘泉博而標曰蚘音巴大而險曰蜎音池  
困小而狹曰鯖音貴又古有相貝經甚詳  
其文云朱仲受之於琴高以遺會稽太守  
嚴助曰徑尺之貝三代之正瑞靈奇之秘  
寶其次則盈尺狀如赤電黑雲者謂之紫  
貝素質紅章謂之珠貝青池綠文謂之  
綬貝黑文黃畫謂之霞貝紫貝愈疾珠  
貝明目綬貝消氣障霞貝服



蛆虫雖不能延齡增壽其禦害一也復有下此者鷹  
喙蟬脊但逐濕去水無奇功也貝之大者如輪可以  
明目南海貝如硃磬白駁性寒味甘可止水毒浮貝  
使人寡慾勿近婦人黑白各半是也濯貝使人善驚  
勿近童子黃唇齒有赤馭是也雖貝使人病瘡黑鼻  
無皮是也鰓貝使人胎消勿示孕婦赤帶通脊是也  
惠貝使人善忘赤熾內殼有赤絡是也管貝使童子  
愚女人淫青唇亦鼻是也碧貝使人盜脊上有縷勾  
唇雨則重霽則輕是也委貝使人惡夜行能  
伏鬼魅百獸赤而中圓雨則輕霽則重是也

修治

珣曰凡入藥燒過用礬曰凡使物用花蟲殼真  
相似只是無效貝子以蜜醋相對浸之蒸過取

出以清  
酒淘研

氣味鹹平有毒



主治目醫五癰利水道鬼疰蠱毒腹痛下血本經溫症

寒熱解肌散結熱

別錄

燒研點目去翳

景弘

傷寒狂熱

甄權

下水氣浮腫小兒疳蝕吐乳

李珣

治鼻淵出膿血下痢

男子陰瘡解漏脯麵臃諸毒射罔毒藥箭毒

時珍

附方

舊四新四

目花腎痛

貝子一兩燒研如麴入龍腦少許點之若有瘰肉加真珠末等

千金鼻淵膿血

貝子燒研每生酒服二錢日三服

二便關格

不通悶脹二三

日則殺人以貝齒三枚甘遂三銖為末漿水和服須臾即通也

小便不通

白海肥一

對生一個燒一個為末溫酒服

下疳陰瘡

白海肥三個煨紅研末搽之簡便單方



食物中毒

貝子一枚含之自吐 聖惠治漏脯毒麪  
腫毒及射罔在諸肉中有毒並用貝子燒

研水調  
半錢服

中射罔毒

方同上

藥箭簇毒

貝齒燒研水服三  
錢日三服 千金

方

紫貝

唐本草

釋名文貝

綱目

研螺

時珍曰南州異物志云文貝甚大  
質白文紫無妄自然不假外飾而

光彩煥爛故名頌曰畫家  
用以研物故名曰研螺也

集解

恭曰紫貝出東南海中形似貝子而大二三寸  
背有紫斑而骨白南夷采以為貨市宗奭曰紫

貝背上深紫有黑點頌曰貝類極多古人以為寶貨  
而紫貝尤貴後世不用見賤而藥中亦希使之時珍



曰按陸機詩疏云紫貝質白如玉紫點為文皆行列相當大者徑一尺七八寸交趾九真以為盃盤

修治

同貝子

氣味鹹平無毒

主治明目去熱毒

唐本

小兒癰疹目瞤

時珍

附方

新

癰疹入目  
紫貝一個即研螺也生研細末用羊肝切片摻上紫定米泔煮熟瓶

盛露一夜空心嚼食之  
嬰童百問

珂

唐本草

釋名馬珂螺

綱目

玳瑁

恤時珍曰珂馬勒飭也此貝似之故名徐衷作馬珂通典云老鵬入



海為玳

即軻也

集解

別錄曰珂生南海采無時白如蚌恭曰珂貝類也大如鰻皮黃黑而骨白堪以為飭時珍曰按

徐表異物志云馬軻螺大者圍九寸細者圍七八寸長三四寸

脩治

敷曰珂要冬采色白膩者并有白旋水文勿令見火即無用也凡用以銅刀刮末研細重羅再

研千下不入婦人藥也

氣味鹹平無毒

主治目醫斷血生肌

唐本

消腎膜及筋努肉刮點之

李

去面黑

時珍



附方

新

目生浮腎

馬珂三分白龍腦半錢枯過白  
磬一分研勻點之

聖惠方

黑令白

馬珂白附子珊瑚鷹矢白等分為末  
每夜人乳調傳旦以漿水洗之同上

石蚰

音劫  
綱目

釋名紫蛙

音劫與  
蚰同

紫鼈

音

龜脚

俗名

集解

時珍曰石蚰生東南海中石上蚌蛤之屬形如  
龜脚亦有爪狀殼如蟹螯其色紫可食真臘記

云有長八九寸者江淹石蚰賦云亦有足翼得春雨  
則生花故郭璞賦云石蚰應節而揚葩荀子云東海  
有紫蛙魚鹽是矣或指為  
紫貝及石決明者皆非矣

氣味甘鹹無毒



主治利小便

時珍

淡菜

宋嘉祐

釋名殼菜

浙人所呼

海蛭

音陸

東海夫人

時珍曰淡以味殼以形夫人以似名

也

集解

藏器曰東海夫人生東南海中似珠母一頭小中啣少毛味甘美南人好食之說曰常時燒食

即苦不宜人與少米先煮熟後除去毛再入蘿蔔或紫蘇或冬瓜同煮即更妙日華曰雖形狀不典而甚

益人時珍曰按阮氏云淡菜生海藻上故治瘰與海藻同功

氣味甘溫無毒

日華曰不宜多食多食令人頭目悶關得微利即止藏器曰多食發丹石



令人腸結久  
食脫人髮

主治虛勞傷憊精血衰少及吐血久痢腸鳴腰痛疝

瘕婦人帶下產後瘦瘠

藏器

產後血結腹內冷痛治瘕

瘕潤毛髮治崩中帶下燒食一頓令飽

孟詵

煮熟食之

能補五臟益陽事理腰脚氣能消宿食除腹中冷氣

瘕癖亦可燒汁沸出食之

日華

消瘕氣

時珍

海蠃

拾遺

校正

時珍曰

唐本甲

香今併為一

華

釋名流螺

圖經

假豬螺

交州記

鱗名甲香

時珍曰

蠃與螺

同亦作蠃

蠃從



出羸省文蓋蟲之羸形者也  
羸音掩閉藏之貌

集解

頌曰海螺即流螺  
帛曰甲香生南海今嶺外閩中近海州郡及明州皆有之或只以台州小者

為佳其螺大如小拳青黃色長四五寸諸螺之中此肉味最厚南人食之南州異物志云甲香大者如甌面前一邊直攬長數寸圍殼岨岨有刺其羸雜衆香燒之益芳獨燒則臭今醫家稀用惟合香者用之又  
有小甲香狀若螺子取其帶修合成也海中螺類絕  
有大者珠螺瑩潔如珠鸚鵡螺形如鸚鵡頭並可作  
杯梭尾螺形如梭今釋子所吹者皆不入藥時珍曰  
螺蚌屬也大者如斗出日南漲海中香螺羸可雜甲  
香老鈿螺光彩可飾鏡背者紅螺色微紅青螺色如  
翡翠蓼螺味辛如蓼紫貝螺即紫貝也鸚鵡螺質白  
而紫頭如鳥形其肉常雜殼出食出則寄居蛭入居  
螺還則蛭出也肉為魚所食則殼浮出人因取之作



杯

肉氣味甘冷無毒

主治目痛累年或三四十生羸取汁洗之或入黃

連末在內取汁點之

藏器

合菜煮食治心痛

孫思邈

甲香修治

斲曰凡使用生茅香皂角同煮半日石臼搗篩用之經驗方曰凡使用黃泥同水煮

一日溫水浴過再以米泔或灰汁煮一日再浴過以蜜酒煮一日浴過燂乾用頌曰傳信方載其法云每甲香一斤以泔斗半微火煮一復時換泔再煮凡二換漉出衆手括去香上涎物以白米三合水一斗微火煮乾又以蜜三合水一斗煮三伏時乃以炭火燒地令熱洒酒令閨鋪香於上以新瓦蓋上一伏時待



冷硬石臼木杵搗爛入沉香末三兩麝一分和搗印成以瓶貯之埋過經久方燒凡燒此香須用大火爐多着熱灰剛炭猛燒令盡去之爐旁着火煖水即香不散此法出於劉充奉禮也宗奭曰甲香善能管香烟與沉檀龍麝香用之尤佳

氣味鹹平無毒

主治心腹滿痛氣急止刺下淋

唐本

和氣清神主腸風

痔瘻

李珣

瘻瘡疥癬頭瘡噉瘡甲疽蛇蠍蜂螫

藏器

甲煎

拾遺

集解

藏器曰甲煎以諸藥及美果花燒灰和臘成口脂所主與甲香畧同三年者良時珍曰甲煎以



甲香同沉麝諸藥花物治成可作口脂及焚薰也唐李義山詩所謂沉香甲煎為廷燎者即此

氣味辛溫無毒

主治甲疽小兒頭瘡吻瘡口旁嚙瘡耳後月蝕瘡蜂

蛇蠍之瘡並傳之

藏器

田蠃

別錄上品

集解

弘景曰田螺生水田中及湖瀆岸側形圓大如梨橘小者如桃李人養食之保昇曰狀類蝸牛

而尖長青黃色春夏采之時珍曰螺蚌屬也其殼旋文其肉視月盈虧故王充云月毀於天蚌消於淵說卦云離為蠃為蚌為龜為鼈為蟹皆以其外剛而內柔也



肉氣味甘大寒無毒

主治目熱赤痛止渴

別錄

煮汁療熱醒酒用真珠黃連

末內入良久取汁注目中止痛

弘景

煮食利大小便

去腹中結熱目下黃脚氣衝上小腹急硬小便赤澀

手足浮腫生浸取汁飲之止消渴搗肉傅熱瘡

藏器

壓

丹石毒

孟詵

利濕熱治黃疸搗爛貼臍引熱下行止禁

口痢下水氣淋閉取水搽痔瘡胡臭燒研治瘰癧癰

瘡

時珍



附方

舊二  
新二十一

消渴飲水

日夜不止小便數者心鏡  
用田螺五升水一斗浸一

夜渴即飲之每日一換水及螺或煮食飲汁亦妙  
聖惠用糯米二升煮稀粥一斗冷定入田中活螺三

升在內待食粥盡吐  
沫出乃收飲之立效

肝熱目赤

藥性論用大田螺七  
枚洗淨新汲水養去

泥穢換水一升浸洗取起於淨器中着少鹽花  
於甲內承取自然汁點目逐個用了放去之

爛弦

風眼

方法同上但以  
銅綠代藍花

飲酒口糜

螺蚌煮汁  
飲聖惠

酒醉不醒

用水中螺蚌葱豉煮  
食飲汁即解肘后

小便不通

腹脹如鼓用田螺一  
枚鹽半匕生搗傳臍

下一寸三分即通熊彥誠曾得  
此疾異人授此方果愈類編

禁口痢疾

用大田螺  
二枚搗爛

入麝香三分作餅烘熟貼臍間半  
日熱氣下行即思食矣甚效丹溪

腸風下血

因酒毒  
者大田



螺五箇燒至殼白肉乾研末作一服熱酒下百一**大腸脫肛**脫下三五寸者用大田螺二三

枚將井水養三四日去泥用雞爪黃連研細末入麝內待化成水以濃茶洗淨肛門將雞翎蘸掃之以軟

帛托上自然不再復發也德生堂經驗方**反胃嘔噎**田螺洗淨水養待吐出泥澄取晒半

乾九梧子大每服三十九藿香湯下爛穀研服亦可經驗方**水氣浮腫**用大田螺大蒜車前

子等分搗膏攤貼臍上水從便旋而下象山縣民病此得是方而愈仇遠稗史**酒疸諸疸**

用田螺將水養數日去泥取出生搗爛入好酒內用布帛濾過將汁飲之日三服日效壽域**腳氣**

**攻注**用生大田螺搗爛傳兩股上便覺冷趨至足而安又可傳丹田利小便董守約曾用有效稗

史**痔漏疼痛**乾坤生意用田螺一個入片腦一分在內取水搽之仍先以冬瓜湯洗淨孫



氏用田螺一枚用針刺破入白礬末同埋一夜取螺  
內水掃瘡上又善能止痛也甚妙 袖珍用馬齒莧  
湯洗淨搗活螺螄 傳上其病即愈 腋氣胡臭 乾坤生意用田螺一個  
水養俟唇開挑巴豆仁

一個在內取置盂內夏一夜冬七夜自然成水常取  
搽之久久絕根 又方大田螺一箇入麝香三分在

內埋露地七七日取出看患洗拭以墨塗上再  
洗看有墨處是患竅以螺汁點之三五次即瘥 瘰癧

潰破

用田螺連肉燒存性  
香油調搽 集要方

疔瘡惡腫

用田螺入冰片  
化水點瘡上

普風蟲癬瘡

用螺螄十個槿樹皮末一兩同入碗內  
蒸熱搗爛入礬紅三錢以鹽水調搽

氏繞指毒瘡

生手足指上以活田螺一枚生  
用搗碎縛之即瘥 多能鄙事 妬精陰

瘡

大田螺二個和殼燒存性入輕  
粉同研傳之效 醫林集要



殼氣味甘平無毒

主治燒研主尸症心腹痛失精止瀉別錄爛者燒研水

服止反胃去卒心痛藏器爛殼研細末服之止下血小

兒驚風有痰瘡瘍膿水時珍

附方新心脾痛不止者水甲散主之用田螺殼溪間者亦可以松柴片層層疊上燒過火

吹去松灰取殼研末以烏沉湯寬中集要小兒頭瘡田螺殼燒

存性清油調搽之聖惠小兒急驚遠年白田螺殼燒灰入麝香少許水調灌之普濟

蝸蠃別錄



釋名螺蛳

時珍曰師衆多也其形似蝸牛其類衆多故有二名

爛殼名鬼眼睛

集解

別錄曰蝸螺生江夏溪水中小于田螺上有稜時珍曰處處湖溪有之江夏漢沔尤多大如指

頭而殼厚於田螺惟食泥水春月人采置鍋中蒸之其肉自出酒烹糟煮食之清明後其中有蟲不堪用矣藏器曰此物難死誤入泥壁中數年猶活也

肉氣味甘寒無毒

主治燭館明目下水

別錄

止渴

藏器

醒酒解熱利大小便

消黃疸水腫治反胃痢疾脫肛痔漏

時珍

又曰燭館二字疑訛誤

附方

新七黃疸酒疸小螺蛳養去泥土令淨每日用水煮食飲汁有效

李仲南永類方



黃疸吐血

病後身面俱黃吐血成盆諸藥不效用螺十個水漂去泥搗爛露一夜五更取清服

二三次血止即愈一人病此用之經驗

小山怪證方

五淋白濁

螺螄一盤連殼炒熟入白

酒三盞煮至一盞挑肉食之以此酒下數次即效

扶壽精方

小兒脫肛

螺螄二三升鋪在桶

內生之少頃即愈

簡便痘疹目醫

水煮螺螄常食佳

白遊風腫

螺螄

肉入鹽少許搗泥貼之神效

葉氏摘玄方

爛殼

時珍曰泥中及牆壁上年久者良火煨過用

氣味

同

主治痰飲積及胃脘痛

震亨

反胃膈氣痰嗽鼻

淵脫肛痔疾瘡癰下疳湯火傷

時珍



發明

時珍曰螺乃蚌蛤之屬其殼大抵與蚌粉蛤粉蚶蛭之類同功合而觀之自可神悟

附方

新卒得欬嗽

屋上白螺或白蛭殼搗為末酒服方寸七

肘后方濕痰心

痛

白螺蛭殼洗淨燒存性研末酒服方寸七立止

正傳隔氣疼痛

白玉散用壁上陳白

螺蛭燒研每服一錢酒下甚效

孫氏小兒軟瘡

用鬼眼睛即牆上白螺蛭殼燒灰入倒掛

塵等分油調塗之

壽域陰頭生瘡

用溪港年久螺蛭燒灰傳之

奇效湯火傷瘡

用多年乾白螺蛭殼煨研油調傳

楊梅瘡爛

古牆上螺蛭殼辰砂等分片腦少許為末

搽小兒哮喘

向南牆上年久螺蛭為末日晡時以水調成日落時舉手合掌吞之即效

葉氏摘玄方

瘰癧已破

土牆上白螺蛭殼為末日傳之

談堃翁方痘瘡不收



牆上白螺蛸殼洗淨煨  
研搽之 醫方摘要

蓼羸

拾遺

集解

藏器曰蓼螺生永嘉海中味辛辣如蓼時珍曰按韻會云蓼螺紫色有斑文今寧波出泥螺狀

如蠶豆可  
代充海錯

肉氣味辛平無毒

主治飛尸遊蟲生食之浸以薑醋彌佳

藏器

寄居蟲

拾遺

釋名寄生蟲



集解

藏器曰陶註蝸牛云海邊有大似蝸牛火炙殼便走出食之益人按寄居在螺殼間非螺也候

螺蛤開即自出食螺蛤殼合已還殼中海族多被其寄又南海一種似蜘蛛入螺殼中負殼而走觸之即縮如螺火炙乃出一名賸無別功用時珍曰案孫恂云寄居在龜殼中者名曰蝸則寄居亦非一種也

氣味

缺

主治益顏色美心志

景

海月

拾遺

釋名玉珧

姚音

江珧

馬頰

馬甲

藏器曰海月蛤類也似半月故名水

沫所化煮時猶變為水時珍曰馬甲玉珧皆以形色名萬震贊云厥甲美如珧玉是矣

集解

時珍曰劉恂嶺表錄云海月大如鏡白色正圓常死海旁其柱如搔頭尖其甲美如玉段成式



雜俎云玉珽形似蚌長二三寸廣五寸上大下小殼中柱炙食味如牛頭脰項王氏宛委錄云奉化縣四月南風起江瑤一上可得數百如蚌稍大肉腥韌不堪惟四肉柱長寸許白如珂雪以雞汁淪食肥美過火則味盡也

附錄海鏡

時珍曰一名鏡魚一名瑣瑤一名膏藥盤生南海兩片相合成形殼圓如鏡中甚瑩

滑映日光如雲母內有少肉如蚌胎腹有寄居蟲大如豆狀如蟹海鏡飢則出食入則鏡亦飽矣郭璞賦云瑣瑤腹蟹水母目鰕即此

氣味甘辛平無毒主治消渴下氣調中利五臟止小

便消腹中宿物令人易飢能食生薑醬同食之

藏器



海燕

綱目

集解

時珍曰海燕出東海大一寸狀扁面圓背上青黑腹下白脆似海螺蛸有紋如葷菌口在腹下

食細沙口旁有五路正勾即其足也臨海水土記云陽遂足生海中色青黑腹白有五足不知頭尾生時體更死即乾脆即此物也臨海異物志載燕魚長五寸陰雨則飛起又餘此或同名者也

氣味鹹溫無毒主治陰雨發損痛煮汁服取汗即解

亦入滋陽藥

時珍

郎君子

海藥

集解

琯曰郎君子生南海有雌雄狀似杏仁青碧色欲驗真假口內含熱放醋中雌雄相逐逡巡便




合即下卵如粟狀者真也亦難得之物時珍曰顧玠海槎錄云相思子狀如螺中實如石大如豆藏篋笥積歲不壞若置醋中即盤旋不已案此即郎君子也

氣味

缺

主治婦人難產手把之便生極驗



本草綱目卷四十六